



Nyiaj SSI rau cov Pej xeem tsis yog Xam Xaj

SSI For Noncitizens

Social Security (SSI) yog dabtsi thiab leejtwg thiaj muaj feem tau nws?

Nyiaj SSI yog ib qhov kev pab los ntawm tsoom fww es muab nyiaj txhua lub hlis rau cov neeg khwv tau nyiaj-tsawg. Yuav kom tau nyiaj SSI, koj yuav tsum muaj hnuv nyoog 65 xyoos los yog laus dua los yog koj yuav tsum muaj ib qho xiam oob qhab es koj ua tsis taus hauj lwm. Nws muaj ntau cov cai thiab tej yam txwv yog tias koj tsis yog xam xaj. Txawm hais tias koj yeej tau npav ntsuab es yeej nyob teb chaws U.S. tau tas mus li thiab raws kev raws cai thiab koj muaj hnuv nyoog 65 lub xyoos los yog xiam oob qhab, tej zaum koj yuav tsis tau txais qhov nyiaj SSI.

Yuav kom tau qhov nyiaj SSI es tsis yog xam xaj, koj yuav tsum tau nyob ntawm 3 pawg neeg nkag teb chaws no:

1. Koj yog haiv neeg Qhab es yug nyob hauv lub teb chaws Canada
2. Koj yeej tau txais cov nyiaj SSI no raws li daim ntawv sau thov ua ntej lub Ib Hlis Ntuj tim 1, 1979

LOS YOG

3. Koj yog ib tug neeg “tsim nyog” txais kev pab txawv tsis yog xam xaj

Kuv ua li cas thiaj li paub tias kuv yog ib tug pej xeem “tsim nyog” txais kev pab es tsis muaj xam xaj?

Yog hais tias koj:

- muaj **daim npav ntsuab** thiab yeej pub koj tuaj nyob teb chaws no raws kev raws cai li txog cai lij choj Immigration thiab Nationality Act (INA).
- tau muab kev tiv thaiv **pab cuam rau neeg tawg rog (asylum)**.
- **raug txim es tawm los raug saib xyuas (paroled)** rau hauv teb chaws U.S. tau ib xyoo lawm.
- qhov **tuav cia** los yog **qhov tshem tawm raug muab thim tsis muaj lawm**.
- muaj ib daim **T-visa** es yog ib tug neeg es raug nyiag.
- muaj **ntaub ntawv nyob vim yog raug tsim txom los ntawm qhov xwm txheej (battered immigrant status)**.
- Yog tus neeg **tawg rog** lossis **saib zoo li koj yog tus neeg tawg rog**. Txhais tau tias koj yog:
 - Yog tus neeg txawv tebchaws “Amerasian” uas nws txiv yog ib tug xam xaj US nyob Southeast Asia thaum ua rog lub sijhawm nrog nyab laj Vietnam.
 - Cuban lossis Haitain nkag tuaj

- Ib tug Afgan lossis Iraqi Neeg Txawv Teb Chaws Tshwj Xeeb
- Tus neeg raug tshem tawm Afghanistan los ntawm US cov tub rog lub sijhawm 7/31/21 mus rau 9/30/22 (txog thaum sijhawm saib xyuas tas)
- Ib tug txheeb ze ntawm tus neeg raug tshem tawm Afghanistan li piav som toj uas nws raug saib xyuas tom qab 9/30/22
- Raug saib xyuas los ntawm Ukraine sijhawm nruab nrab 2/24/22 thiab 9/30/22

Ces koj yog ib tug pej xeem tsim nyog txais kev pab es tsis muaj xam xaj

Lus qhia ntxiv

Yog koj tsis muaj ib yam sau ntawm no, koj tsis tau SSI.

Yog koj muaj ib yam li sau hauv no, koj tseem yuav tsum tau muaj ntaub ntawv nyob li toobkas. Xyuas daim ntawv los nrog seb koj puas yog tau SSI.

Yog koj muaj lus nug txog cov nyiaj SSI thiab tsis yog cov pej xeem muaj daim xam xaj, tiv tauj koj lub hoobkas legal aid hauv koj lub zos ntawm 1-(877) 696-6529.


Lossis mus nrhiav kev pab los ntawm lwm cov kev pabcuam ntawm www.lawhelpmn.org/hm/providers-and-clinics.



Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2023 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.

Okay, Kuv nyob rau immigration ib yam sau ntawm no. Kuv puas yuav tau txais qhov nyiaj SSI?



Nco cim#1 - Cov sij hawm ua hauj lwm: Cov sij hawj koj tus txij nkawm ua hauj lwm muab suav tias yog cov sij hawm koj ua hauj lwm. Yog hais tias koj tuaj nyob teb chaws no thaum menyuum yaus, koj niam koj txiv cov sij hawm lawv ua hauj lwm thaum koj tseem tsis tau muaj hnuv nyoog muab xam rau koj tau. Nws kuj yuav nyuaj. SSA mam li pab koj suav cov sij hawm ua hauj lwm no.

Koj suav tsis tau cov sij hawm ua hauj lwm rau cov hli es tom qab lub Kaum Ob Hlis Tim 31, 1996 yog hais tias koj twb tau txais kev pab (AFDC, Nyiaj Muas Noj, SNAP, MA los yog MFIP) lub hlis ntawd. Nrog SSA los yog ib tug kws lij choj tham kom paub ntau dua.

Nco cim#2 - Cov tub rog Hmoob thiab qub tub rog ua muaj neeg lav tos tuaj

Hmoob cov tub rog es sib tua nrog CIA thaum lub sij hawm sib tua nrog Nyob Laj (Vietnam War) tsis yog Mekas cov qub tub rog "US veterans" raws li MesKas tsab cai lij choj.

Yog hais tias koj yog ib tug qub tub rog los yog ib tug tub rog es tseem ua hauj lwm hauv tshav rog es tuaj teb chaws Meskas no yog muaj neeg txheeb ze ua ntaub ntawv tos koj tom qab lub Kaum Ob Hlis Tim 12, 1997, cov nyiaj khwv tau thiab cov khoom (assets) ntawm tus neeg tos koj thiab nws tus txij nkawm yuav muab xam tias yog koj li. Qhov no yuav ua rau koj cov nyiaj yuav ntau tshaj li qhov es koj yuav tsim nyog tau nyiaj SSI. Tabsis, koj tsis muaj zaub mov noj thiab chaw nyob vim yog tus neeg tos koj ntawd tsis pab koj, koj kuj yuav tau nyiaj pab koj thiab. Koj kuj yuav tau nyiaj pab koj yog hais tias koj tau raug tsim txom tsis raws cai los ntawm koj tus txij nkawm los yog koj niam koj txiv, koj tsis nrog tus neeg tsim txom koj tsis raws cai nyob lawm, thiab koj yuav tsum tau qhov nyiaj pab vim yog raug tsim txom.